



POZIV ZA DOSTAVLJANJE PONUDA
U POSTUPKU DODJELE UGOVORA ZA NABAVKU USLUGA IZ
ANEKSA II. DIO B ZJN-a

**Predmet nabavke: Usluge fizičke i tehničke zaštite za potrebe Agencije za bankarstvo
Federacije BiH**

Evidencijski broj nabavke: 05-242/16

Sarajevo, januar/siječanj 2016. godine

Sadržaj:

1.	OPĆI PODACI.....	1
2.	PODACI O PREDMETU JAVNE NABAVKE	1
2.1	Opis predmeta javne nabavke, uz navođenje oznake i naziva iz Jedinstvenog rječnika javne nabavke/JRJN	1
3.	USLOVI ZA KVALIFIKACIJU PONUĐAČA	2
3.1	Sposobnost obavljanja profesionalne djelatnosti – član 46. Zakona	2
4.	PODACI O PONUDI.....	2
4.1	Sadržaj ponude	2
4.2	Način izrade ponude.....	2
4.3	Način dostave ponude	2
4.4	Način određivanja cijene ponude – kriterij za dodjelu ugovora	3
4.5	Period važenja ponude	3
4.6	Mjesto, datum i vrijeme prijema ponuda – rok za dostavljanje ponuda	3
5.	OSTALI PODACI.....	3
5.1	Pravna zaštita ponuđača	3
5.2	Vođenje pregovora	3
5.3	Obavještenje o rezultatima postupka	4
6.	PRILOZI.....	4

1. OPĆI PODACI

- 1) Naziv i adresa ugovornog organa: Agencija za bankarstvo Federacije BiH (u nastavku: ugovorni organ).
- 2) Identifikacioni broj ugovornog organa: 4200558120006.
- 3) Telefon, fax, internet adresa: Telefon: + 387 33 72 14 00, Fax.: +387 33 66 88 11, web stranica: www.fba.ba
- 4) Ime osobe u ugovornom organu zadužene za kontakt: Omar Hašimbegović, tel. +387 33 72 14 00, e-mail: omar.hasimbegovic@fba.ba.
- 5) Period na koji se zaključuje ugovor: 3 godine.
- 6) Za provođenje predmetne nabavke ugovorni organ je odabrao postupak dodjele ugovora u skladu s Pravilnikom o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj 104/14 od 31. 12. 2014. godine) – „Usluge fizičke i tehničke zaštite“, na koje se primjenjuje poseban režim u skladu s članom 8. Zakona o javnim nabavkama („Službeni glasnik BiH“, broj: 39/14, u nastavku: Zakon), uz objavljivanje poziva za dostavljanje ponuda za nabavku predmetnih usluga na internetskoj stranici Agencije www.fba.ba.

2. PODACI O PREDMETU JAVNE NABAVKE

2.1 Opis predmeta javne nabavke, uz navođenje oznake i naziva iz Jedinstvenog rječnika javne nabavke/JRJN

Predmet ovog postupka su zaštitarske usluge:

- 1) Usluge fizičke zaštite osoba i imovine – fizičko osiguranje poslovnih prostorija ugovornog organa u Sarajevu, Zmaja od Bosne 47b;
- 2) Usluge tehničke zaštite – usluge centralnog dojavnog sistema - alarmno povezivanje na dojavni centar zaštitarske agencije poslovnih prostorija ugovornog organa u Sarajevu, Zmaja od Bosne 47b; i
- 3) Usluge tehničke zaštite – usluge centralnog dojavnog sistema - alarmno povezivanje na dojavni centar zaštitarske agencije poslovnih prostorija ugovornog organa u Sarajevu, Koševo 3,

u skladu s traženim uslovima/zahtjevima naznačenim u ovom Pozivu za dostavljanje ponude (u nastavku: Poziv).

- JRJN oznaka predmeta nabavke: 79700000-1 – istražiteljske usluge i usluge na području sigurnosti

Predmet nabavke i količina predmeta nabavke pobliže su određeni u tehničkoj specifikaciji koja se nalazi u prilogu 1 ovog Poziva.

Količine su određene okvirno, pa su moguća odstupanja u odnosu na količine usluga koje će biti stvarno nabavljene temeljem ugovora koji će ugovorni organ sklopiti s najuspješnijim ponuđačem.

Kriterij za odabir najpovoljnije ponude je najniža cijena tehnički zadovoljavajuće ponude.

3. USLOVI ZA KVALIFIKACIJU PONUDAČA

3.1 Spособnost obavljanja profesionalne djelatnosti – član 46. Zakona

Da bi učestvovao u konkretnom postupku javne nabavke, ponuđač mora zadovoljavati sljedeće uslove sposobnosti obavljanja profesionalne djelatnosti i to:

- da je registrovan za obavljanje djelatnosti koja je predmet ove nabavke,
- da ima dozvolu za rad izdanu od strane nadležnog organa.

Dokazi:

Ponuđač je dužan dostaviti sljedeće dokaze:

- aktuelni izvod iz sudskog registra ili izjava/potvrda nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke (original ili ovjerene kopija),
- potvrda ili uvjerenje nadležnog organa da ponuđač ima dozvolu za rad (original ili ovjerena kopija).

Težak profesionalni propust (član 45. stav (5) Zakona):

Napominje se da će se ponuda odbiti ako ugovorni organ, na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

4. PODACI O PONUDI

4.1 Sadržaj ponude

- a) popunjeni obrazac za cijenu ponude,
- b) dokaze o ispunjenosti uslova iz člana 46. Zakona,

4.2 Način izrade ponude

Ponuđači su obavezni da pripreme ponude u skladu sa kriterijima koji su utvrđeni u ovom pozivu. Ponude koje nisu u skladu sa ovim pozivom će biti odbačene kao neprihvatljive.

Ponuđači snose sve troškove nastale na ime pripreme i dostavljanja njihovih ponuda. Ugovorni organ ne snosi nikakve troškove ponuđača u postupku nadmetanja.

4.3 Način dostave ponude

Ponuda se dostavlja u zatvorenoj koverti na adresu ugovornog organa navedenu u Pozivu. Na koverti ponude mora biti naznačeno:

- a) naziv i adresa ugovornog organa,
- b) naziv i adresa ponuđača u lijevom uglu koverta,
- c) evidencijski broj nabavke,
- d) naziv predmeta nabavke,
- e) naznaka "ne otvaraj".

4.4 Način određivanja cijene ponude – kriterij za dodjelu ugovora

Ponuđač izražava cijenu ponude u konvertibilnim markama KM. U cijenu ponude bez poreza na dodatnu vrijednost moraju biti uračunati svi troškovi, s tim da se popusti posebno navode, u koloni posebno naznačenoj u obrascu za cijenu ponude. Ponuđač je dužan u obrascu za cijenu ponude navesti ponuđenu jediničnu cijenu usluge. Cijena usluga koje su predmet ugovora je fiksna i ne može se mijenjati tokom trajanja ugovora. Ugovor se dodjeljuje ponuđaču na osnovu kriterija najniže cijene tehnički zadovoljavajuće ponude.

4.5 Period važenja ponude

Ponude moraju važiti u trajanju od 30 dana, računajući od isteka roka za podnošenje ponuda. Ako ponuđač u ponudi ne navede period njenog važenja, smatra se da ponuda važi za period naznačen u pozivu.

4.6 Mjesto, datum i vrijeme prijema ponuda – rok za dostavljanje ponuda

Ponude se dostavlja u jednom primjerku na sljedeću adresu:

Agencija za bankarstvo Federacije BiH
Zmaja od Bosne 47b
71000 Sarajevo
Bosna i Hercegovina

Rok za dostavljanje ponuda ističe 01. 02. 2016. godine u 16:00 sati. Ponude koje su dostavljene po isteku ovog roka bit će vraćene dobavljaču neotvorene.

5. OSTALI PODACI

5.1 Pravna zaštita ponuđača

Postupak pravne zaštite ponuđača provodit će se u skladu s odredbama Zakona. Žalba se izjavljuje ugovornom organu u pisanoj formi direktno ili preporučenom poštanskom pošiljkom, a u skladu sa članom 99. Zakona. Rokovi izjavljivanja žalbe ugovornom organu su definisani u članu 101. Zakona.

5.2 Vođenje pregovora

Nakon prijema početnih ponuda, ugovorni organ formirat će komisiju nadležnu za vođenje postupka odabira najuspješnijeg ponuđača po ovom predmetu nabavke, u skladu s članom 8. Pravilnika o postupku dodjele ugovora o uslugama iz Aneksa II dio B ZJN. Ponuđači koji budu ispunjavali kvalifikacijske uslove bit će pozvani na pregovore, prema redoslijedu podnošenja početnih ponuda.

Predmet pregovora bit će: cijena, način izvršenja usluga, uslovi izvršenja, posebnosti ove vrste posla i druga pitanja značajna za izvršenje predmetnih usluga.

O utvrđenom datumu, vremenu i mjestu za vođenje pregovora, ponuđači će biti blagovremeno obaviješteni.

5.3 Obavještenje o rezultatima postupka

Istovremeno s istekom roka za dostavu ponuda navedenog u ovom Pozivu, ugovorni organ otvorit će blagovremeno prispjele ponude. Kako se radi o postupku dodjele ugovora za nabavku usluga iz Aneksa II dio B ZJN-a, nije predviđeno javno otvaranje ponuda.

Svi ponuđači bit će obaviješteni o rezultatima postupka nabavke u roku od 7 (sedam) dana od dana donošenja odluke o izboru najpovoljnije ponude ili poništenju postupka nabavke te odluka o tome će se objaviti na web stranici ugovornog organa.

6. PRILOZI

- Prilog 1 - Tehnička specifikacija
- Prilog 2 - Obrazac za cijenu ponude

Tehnička specifikacija usluga - opis predmeta nabavke

Opis poslova:

I. Usluge fizičke zaštite osoba i imovine – poslovne prostorije Agencije u Sarajevu, Zmaja od Bosne 47b

- 1) kontrola ulaska i izlaska stranaka, službenika u i iz štićenog objekta/prostora (primanje, usmjeravanje, upućivanje, i kontroliranje svih osoba);
- 2) utvrđivanje identiteta osoba uz vođenje propisanih evidencija;
- 3) izdavanje jednokratnih propusnica pri ulasku stranaka, ukoliko imaju odobrenje posjete od osobe kod koje idu;
- 4) telefonska najava stranaka;
- 5) zabrana ulaska u objekt/prostor naoružanim osobama, osim policijskim službenicima MUP-a, kada se nalaze na službenom zadatku;
- 6) nadzor štićenog objekta/prostora, održavanje propisanog reda i mira;
- 7) zabrana pristupa u štićeni objekt/prostor neovlaštenim osobama;
- 8) zabrana zadržavanja neovlaštenim osobama (zaposlenicima i drugim osobama) u zoni ulaska i izlaska iz poslovnog prostora;
- 9) nadzor i rukovanje instaliranim sistemima tehničke zaštite;
- 10) kontrola štićenog objekta/prostora – poduzimanje svih zakonom dopuštenih mjera, u cilju sprečavanja, otkrivanja i otklanjanja štetnih pojava i protupravnih radnji koje bi mogle ugroziti osobe i imovinu koji su predmet šticećenja,
- 11) udaljavanje osoba koje ugrožavaju red i mir iz štićenog objekta/prostora,
- 12) sprečavanje odlaganja raznih predmeta, tereta, paketa i sl. u štićenom prostoru,
- 13) obavljanje stalnog nadzora fizičkim obilaskom zgrade ili poslovnih prostorija naručioca,
- 14) angažman interventnog tima na licu mjesta, u svrhu kontrole objekta i zaštitara, te pružanje asistencije u vanrednim okolnostima;
- 15) obavještanje odgovornih lica naručioca usluga i, prema potrebi, policije i vatrogasne službe o stanju sigurnosti u objektu te svim zapažanjima i promjenama koje se tiču osiguranja prostora ili su od interesa za sigurnost objekta/prostora koji se štiti;
- 16) zabrana parkiranja motornih vozila na parking-prostoru Agencije ispred poslovnog objekta, kao i na parking prostoru koji pripada instituciji, koji se nalazi na etažnoj cjelini “- 1” (podzemna garaža),
- 17) povremeni obilazak parkirališta Agencije, uz obraćanje pažnje na eventualno ostavljene i napuštene sumnjive predmete, o čemu su, u slučaju njihovog uočavanja, odnosno pronalaska, dužni odmah - bez odlaganja, izvijestiti nadležnu službu Agencije,
- 18) ostali poslovi prema uputama/instrukcijama naručioca usluga.

Fizičko osiguranje objekata vršit će se prema zahtjevima zadanim od strane naručioca usluga, uz angažiranje dvojice zaštitara u zahtijevanim periodima. Zaštitari moraju imati kontinuiranu telekomunikacijsku vezu sa svojom centralom.

Davalac usluga dužan je angažirati samo provjerene certificirane radnike, shodno Zakonu o Agencijama i unutrašnjim službama za zaštitu ljudi i imovine, uz prethodne konsultacije i odobrenje odgovorne osobe naručioca usluga.

II. Nadzor i alarmno povezivanje poslovnih prostorija Agencije na centralni dojavni alarmni sistem ponuđača, s intervencijom - poslovne prostorije Zmaja od Bosne 47b i Koševo 3

Ove usluge podrazumijevaju:

- 1) povezivanje i nadzor poslovnih prostorija Agencije u Sarajevu, Zmaja od Bosne 47b i Koševo 3 na alarmni sistem (centralni dojavni nadzirani sistem davaoca usluga);
- 2) 24-satni nadzor nad alarmnim sistemima, instaliranim u poslovnim prostorijama Agencije u Sarajevu: Zmaja od Bosne 47b i Koševo 3, putem centralnog dojavnog sistema davaoca usluga (neprekidno praćenje od 00:00 sati do 24:00 sati svih događanja na protuprovalnom sistemu (dojava alarma, pokušaj sabotaze na sistemu (neovlašteno otvaranje elemenata - prekidanje instalacijskih veza između elemenata centrale, nestanak rezervnog napajanja, praćenje dnevnih testova i dr.);
- 3) hitne intervencije u slučajevima signala alarma - na dojavu signala alarma davalac usluga će odmah po prijemu svake alarmne dojave poslati na objekt interventnu jedinicu, te o istom obavijestiti osobu za kontakt, te po potrebi, najbližu policijsku stanicu;
- 4) u slučaju kvara sistema, davalac usluga vršit će čuvanje objekta fizičkom zaštitom;
- 5) hitno javljanje/ukazivanje na bilo kakve uočene greške na sistemu;
- 6) intervencija davaoca usluga na alarmni sistem mora biti u roku do maksimalno 15 minuta od trenutka aktiviranja alarma; intervencije obavljaju certificirani zaštitari agencije sa opremom i sredstvima usaglašenim sa općim aktima zaštitarske agencije, pravilima i postupcima prilikom intervencije, pripadajućim pravilnicima o službenoj odjeći, iskaznici i sl.;
- 7) pored alarmnog povezivanja davalac usluga je obavezan redovito i periodično vršiti provjeru funkcionalnosti dojave, te dostavljati mjesečne izvještaje o stanju i nadzoru na povezanim sistemima;
- 8) provođenje intervencija u slučaju aktiviranja alarma u predviđenom roku za vrijeme i poslije radnog vremena;
- 9) pohranjivanje svih podataka koji su pribavljeni putem alarmnog sistema (protuprovalni, vatrodojavni i protuprepadni alarm, test izvještaji, stanje baterije, nestanak električne energije, vrijeme uključenja i isključenja sistema i dr.);
- 10) obavještavanje odgovornih osoba naručioca usluga o stanju sistema, a prema potrebi i drugih službi;
- 11) dostavljanje mjesečnih izvještaja o aktivnostima alarmnog sistema na objektu, na zahtjev naručioca usluga, istražnih organa ili osiguravajućih društava.

Intervencija je obvezno postupanje davaoca usluga u slučajevima aktiviranja alarma ili prema prijavi dojavnog centra, koja podrazumijeva neposredni dolazak na objekt, prostor ili mjesto u kojem je aktiviran alarm, radi utvrđivanja razloga aktiviranja ili otklanjanja kvarova;

Ista podrazumijeva osiguranje neprekidnog dežurstva i pripravnosti interventnog tima, te planske periodične obilaskе objekta/prostora pod zaštitom.

Intervencija uključuje poduzimanje zakonom dopuštenih mjera, kao i pružanje pomoći na objektu/prostoru, osiguranje objekta/prostora do dolaska odgovornih osoba ili uviđajnih organa, te eventualnu prvu pomoć i pomoć nadležnim službama.

Davalac usluga obavezan je dosljedno provoditi odredbe ugovora, u okvirima zakona. Ovim se izuzima uticaj više sile ili stanja izvan kontrole davaoca usluga, koje se nisu mogle predvidjeti ili otkloniti u vrijeme sklapanja ugovora (nastanak elementarnih nepogoda ili vanrednih stanja, cestovnih blokada, fizičkih demonstracija i sl.).

Naručilac usluga izviještavat će redovno davaoca usluga o svim promjenama koje su u vezi sa korištenjem i rukovanjem alarmnog sistema (promjena korisničkog osoblja i njihovi kontakt brojevi i dr.), kao i o svim građevinskim promjenama na objektu (rekonstrukcija, preuređenje prostora i sl.) i drugim sličnim pojedinostima koje su naknadno nastale, a mogu bitno uticati na sigurnost objekta.

Obrazac za cijenu ponude

USLUGE FIZIČKE ZAŠTITE OSOBA I IMOVINE						
Predmet nabavke - opis	Jedinica mjere	Okvirna godišnja količina	Jedinična cijena po satu	Ukupna godišnja cijena (3x4)	Broj godina	Ukupna cijena za period od tri godine (5x6)
1	2	3	4	5	6	7
<ul style="list-style-type: none"> - Usluge fizičke zaštite osoba i imovine – fizičko osiguranje poslovnih prostorija Agencije u Sarajevu, Zmaja od Bosne 47b; - Broj angažiranih zaštitara: 2 	h (sati rada)	4.500 sati			3	
Ukupna cijena bez PDV-a						

USLUGE TEHNIČKE ZAŠTITE - CENTRALNI NADZOR ALARMNOG SISTEMA							
R.b.	Opis prostora	Jed. mjere	Kol.	Jedinična cijena	Ukupna godišnja cijena (4x5)	Broj god.	Ukupna cijena za period od tri godine (6x7)
1	2	3	4	5	6	7	8
1.	Poslovne prostorije Agencije u Sarajevu, Zmaja od Bosne 47b	mjesec	12			3	
2.	Poslovne prostorije Agencije u Sarajevu, Koševo 3	mjesec	12			3	

Ukupna cijena bez PDV-a	
-------------------------	--

Ukupna cijena ponude bez PDV- a (A + B) _____

Popust na cijenu ponude bez PDV-a % _____

Ukupna cijena sa popustom, bez PDV-a _____

PDV na cijenu sa popustom _____

Ukupna cijena za ugovor, sa PDV-om _____

Potpis i pečat dobavljača
